

欽定剿平三省邪匪方略

欽定剿平三省邪匪方略正編卷七十九

戊午年

九月初一日

辛酉

明亮與肇秦承恩奏言楚匪張

漢潮由西鄉堰口東奔欲至石泉紫陽一帶偷渡漢江王文雄帶兵覓路抄至石泉梅湖江邊賊匪探知卽行折回王文雄帶同叅將鍾岳等緊躡追趕截殺五百餘名又經叅將鮑貴張受榮等帶兵抄擊截殺二百餘名賊匪情急向南

奔竄經臣秦承恩派往五塊石防守卡隘之同

知徐洪懿督率鄉勇奮力堵禦未令越過仍折

回向西奔竄臣明亮興肇等連日冒雨疾馳追

剿於十二十三等日在王黑壩父子關一帶節

次剿殺一千三百餘名又經各卡鄉勇縛獻一

百餘名賊復翻山奔至西鄉元灘子一帶經臣

秦承恩派防官東山之遊擊邢承誥守備尙其

倫等帶領兵勇覓路趕至倒 杠子正遇賊匪大
隊蜂擁而來邢承誥等直前衝擊殲賊四百餘
名並鎗斃騎馬執大旗賊目一名生擒三十八
名賊衆乘夜翻山向城固南鄭近江一帶奔逸
經臣秦承恩飛調各路鄉勇密布淺灘處所邢
承誥向其倫等復抄出北路繞截賊見江岸處
處有備卽向西南山內晝夜狂奔遊擊蘇維龍

知縣何振權帶領守卡鄉勇在鄭家壩拒險截擊殲斃一百五十餘名餘衆卽由小壩竄出四川南江縣境此股賊匪現存不及三千人沿途

捨命狂奔不敢焚掠

臣

等惟有鼓勵兵勇趕緊

追截現聞額勒登保已由通江趕至西鄉

臣明

亮等札令速來會合兜剿

臣

秦承恩與王文雄

卽在通川各隘口分布兵勇杜其折竄此次打

仗將弁兵勇均屬奮勉佐領鳳德防禦常祚保
千總劉炯知縣王家齊州同王鍾凝隨同打仗
均受重傷陣亡西鄉義首陳學寧防守隘口當
先抵禦殺賊五名身受十數傷陣亡其餘傷亡
兵勇另行查明咨部至劉成棟一犯經臣明亮
於節次獲犯訊供時逐細研鞫僉稱並無其人
再副都統承德留陝帶兵半載以來奮勇當先

不辭勞瘁七月後感患寒疾甚重適值張漢湖
滋擾邊界猶復力疾帶兵往來堵殺於八月初
五日在西鄉軍營病故殊堪憫惜奏入

上命軍機大臣傳諭勒保惠齡秦承恩明亮曰張漢
湖一股賊數無多本易殲擒明亮等剿辦多日仍
任竄至石泉一帶茲被官兵沿途截殺現存不及
三千人更易一鼓成擒况宜綿督率柯藩等在紫

陽一帶防守遇其東竄秦承恩王文雄又於通川各隘口分佈嚴防明亮等趁賊匪折竄之時正可迎頭截擊何以復任由小壩竄回四川南江縣境實屬無能已極明亮與肇著再傳旨嚴行申飭所有打仗陣亡之佐領鳳德等及義民首陳學寧俱著咨部加等議卹至勒保受朕逾格恩施更當預操勝算近聞川省賊匪有自相攻擊之語想卽係

前此惠齡等所奏羅其清與冉文儔有隙不許上
山冉文儔遂約陝匪分屯箕山坡下等事若果如
此賊黨業已內離叻保到彼或設法用計赦冉文
儔之罪令其爲官兵前驅進攻羅其清更可收以
滅攻賊之益是亦一法叻保當密爲留意相機速
辦至惠齡等在彼剿辦多時何計不及此徒事株
守尾追並著惠齡等一體留心設法爲要

初五日乙丑勒保奏言臣督兵攻剿冷添祿股匪

自將蛇皮峯銅鼓包等處賊卡攻克後賊勢更
形窮蹙惟恃山勢險峻併力相持查蛇皮峯至
祖師觀雖有小路可通而中間溝坎層疊兩傍
均係懸崖賊匪壘石其上一俟官兵攻撲卽飛
石如雨臣隨於各兵勇內挑選趨捷之人紮竹
爲梯先令攻撲兩傍陡崖奪據險要然後大兵

再由中路進發十二日晚間酌定道路密派千
總羅思舉義首冉斌帶領兵勇從左手而上千
總薛陞王大勇義首袁夢姚帶領兵勇從右手
而上臣督率七十五百祥等帶領官兵由正路
而進兩路兵勇乘夜潛行進抵賊卡之下密將
竹梯排列賊匪因該處均係峭壁無路夜間防
範稍疎兵勇乘其不備緣梯登陟甫上至二三

百人將賊匪所堆石塊堆放賊匪聞聲驚覺鳴
鑼聚眾迎敵維時七十五百祥等亦催兵競進
越過山溝上至亂石窖地方撲闖賊卡拋擲火
彈火箭將茅棚立時燒毀兩路兵勇乘勢會合
遇賊卽殺殲斃三四百人生擒一百餘名將及
黎明接應之賊聚集漸眾我兵奮勇力撲短兵
相接殲斃極多惟緣地方險窄且祖師觀一帶

山勢更高未能徑上是以將兵暫撤訖據活賊
供稱首逆冷添祿及賊目符日明劉朝選等手
下夥黨約有五六千人自王三槐被拿之後人
人畏懼無路可逃祇可率衆堅守寨上糧食無
多惟賴收割附近蛇皮峯梨兒壩等處糧食各
自餬口聽聞冷添祿等商議且俟糧食喫完再
作計較等語

臣

查蛇皮峯已經官兵紮住賊匪

不敢下山其梨兒壩地方係穆克登阿艾如文
一面進兵要路隨於十五日五更酌派七十五
百祥富爾賽德英額等分路發兵攻撲祖師觀
賊寨牽綴賊勢令穆克登阿艾如文帶領官兵
由梨兒壩一帶進發並令分派兵勇將附近秋
禾雜糧儘數收割是日各路官兵分投而進賊
匪悉力抵禦惟梨兒壩一路賊匪捨命下山衝

撲我兵一面接仗一面將山坡上下所種糧食
放火焚燒賊匪意在護糧愈撲愈力我兵奮勇
截殺斃賊五六百人自辰至未餘衆始行潰散
官兵陸續擒獲七十二名訊據供稱寨上糧食
不多今見官兵將熟稻收割所以下來搶護餘
無要供當將先後所獲賊匪王如學蕭存應等

一併正法

臣

現將周圍營卡木柵濠溝一律向

前近逼乘其窮蹙之際晝夜攻圍總期剋日掃
除以便移兵他路再查林亮功股匪自與王光
祖等合夥竄擾忠州梁塾之交先經臣飭令各
該地方官挑派鄉勇實力堵截並嚴催富森布
等趕緊帶兵兜剿嗣經署梁山縣知縣方積署
忠州知州王垂重會同都司施連登等各帶兵
勇於胡蘆寨白廟場等處分投截剿匪衆俱向

墊江境內逃走富森布督率官兵跟蹤追剿沿

途俱有斬獲及抵墊江縣屬沙坪關地方賊匪

正在附近之毋間橋焚掠富森布督兵馳擊殲

賊四百餘名生擒三十六名叅將七十七衝撲

賊隊手刃執旗賊目一名旋受矛傷陣亡該匪

竄至新橋逼近墊江縣城經該縣知縣李毓璣

等帶領鄉勇與富森布兩路夾擊復斃賊二百

餘名匪衆退屯黃沙岩高灘一帶臣仍嚴飭富

森布等趕緊攻剿又前任護軍統領舒亮自叅
革以來留營効力頗爲感奮前攻克安樂坪後
該員因積勞暑濕漸成瘧疾猶每日照常帶兵
本月初六日晚間汗發不止次日身故詢係積
勞所致殊爲可憫

同日福寧奏言查川省官兵追捕窮寇併日而

馳且因賊無定向輾轉分投截擊所需糧餉若
僅就一二處勉力轉輸究形竭蹶現已飛飭保
寧巴州營渠雲萬等處在在安設糧站四路輓
運協力供送俾所在要需充裕以期無悞惟川
東川北自賊匪滋擾以來蔓延千餘里統計蹂
躪之處已不下數十州縣嗣復有陝楚各匪閑
入股數愈多官兵東西兜截則賊匪南北窮奔

倘或前後夾擊則左右又難兼顧各州縣因地
方遼濶山險路歧隨廣募鄉勇自數千名至萬
餘名不等以資堵禦前據省局司道冊開上年
各屬所募隨營打仗以及防守城垣卡隘保護
糧臺各鄉勇截至今年正月底止除隨時裁汰
不計外實有十數萬之多臣於今春接辦之始
察看鄉勇爲數紛繁誠恐稽核難週其中不無

浮糜虛設等弊是以一面嚴飭確查一面與勒保再四咨商凡各營及州縣新舊召募鄉勇必須酌量賊氛之遠近營卡之緊要是否勢所必需均令據實造冊呈送總統其有應增應減之處悉由勒保核明知會始准支給銀糧庶足以節糜費而杜浮濫邇來查看各處所設鄉勇較前頗爲得力惟是川省大兵雲集而鄉勇倍多

於兵數一切鹽糧所費甚鉅查軍糧一項既有
甘省運到協濟麥石磨麵配搭供支又楚省撥
解糧三萬石亦可陸續抵夔兼之川省今歲年
穀豐收採買較易卽可由水陸並運決不致有
匱乏之虞至續請糧餉四百萬兩自六月間分
起解到臣因成都省局正在發價買糧並支放
兵餉製辦器械軍火等項需用較繁當撥給銀

二百萬兩卽令保寧達州兩處另收撥往各軍營以備支領刻下通計所存餉項極力撙節尙足敷九十兩月之用計官兵剋日擒渠卽帑項亦可節省均奏入

上命軍機大臣傳諭勒保曰賊首冷添祿困守窮山糧食就盡今梨兒壩所種糧食又經官兵焚燒收割賊匪更無可接濟現在勒保已拿卡進逼四面

攻圍無難卽行剿竣勒保勿以王三槐就薄卹爲
成功意存自滿致有懈弛爲要其林亮功一股現
據勒保奏稱富森布等帶兵追剿匪衆退屯黃沙
巖一帶正可乘勢搜捕所有殺賊陣亡之叅將七
十七著咨部加等議卹至軍營供支俱有定例豈
容稍有浮濫如各路有濫支濫應者卽應據實查
叅現據福寧奏川省所存餉項僅足敷九十兩月

之用若軍務不及早告竣則坐糜糧餉爲數不貲
勒保及各路領兵大員皆係受恩深重之人寧不
知經費有常不容虛耗耶

初九日巳巳明亮額勒登保與肇奏言查張漢潮

一股賊匪蓄意欲渡漢江節經多方截剿甚形
窮蹙連日復於小壩一帶追擊正值秋雨連綿
溪河水漲賊匪亡命晒過我軍乘勝直前冒雨

力剿斬戮者約三百餘名防禦孫札七驍騎校
長柱外委馬昭均以殺賊陣亡餘賊又竄入南

江邊界

臣

額勒登保病勢漸愈於入月初三日

自太平通江抄入陝之西鄉固鄉營四渡河等
處沿途殲賊一百二十餘名二十六日薄暮在

穆家壩與

臣

明亮與肇會合疊接秦承恩來札

知高均德一股賊匪現屯廣元之旺蒼壩嗣又

據報在水磨堡野人村一帶焚掠羅冉等逆又

復近在營山儀隴此時陝境寧羌沔縣一帶兵

備甚單情形緊急囑統得勝之師迎擊臣等查

高均德一股若由寧沔一帶入陝彼處江淺易

過一經延蔓辦理更覺費手而張漢潮股匪已

在殘敗亦應趕擊臣等自須兩路兼顧臣明亮

興肇卽帶滿漢官兵三千餘名由南江一路緊

剿張漢潮一股如遇高逆由廣元東竄仍可向

西橫擊杜其旁遁臣額勒登保卽帶原領滿漢

官兵二千餘名覓道抄赴寧羗一帶迎擊高均

德一股想川中大兵必緊躡賊蹤而至兩面剿

辦更爲有濟倘賊知有備又折回廣元則帶兵

自北而南亦屬甚便

同日惠齡恒瑞德楞泰奏言前因各股陝匪分

竄西北隨卽分股截剿。退回附近箕山之郭家溝屯踞。惟徐添德一股竄往舟口富成跟蹤追捕。旋據札稱徐添德與樊人傑王登廷等一見官兵卽竄回營山之插旗山古戰坪鳳凰寺等處分屯拒守。請再帶兵圍剿。臣等查冉文偉等依附羅其清屯踞未必卽行分竄。而徐添德各股現踞鳳凰寺一帶勢欲阻扼營山渠縣運道。

並與羅其清相爲犄角使官兵前後受敵必須
先將此股賊匪設法攻剿方不致波其牽綴隨

一面知會富成從玉鼎山一路堵截

臣

等卽帶

官兵分爲兩路抄赴走馬嶺一帶進攻行至絡
市橋遇見賊匪二三千人前來邀截我兵分隊

迎殺斃賊七百餘名賊始退去訊據活賊供稱
徐添德現在鳳凰寺等處紮寨羅其清等派出

三千餘人前往幫助不料被官兵堵殺等語當
卽正法是日趕至走馬嶺紮營該處前後均有

徐添德匪黨盤踞臣德楞泰督率賽沖阿阿哈

保溫春阿穆勒塔達三泰副將德寧等帶領官

兵直攻插旗山賊卡臣惠齡恒瑞督率總兵李

紹祖觀祥副將德忠馬兆瑞等帶兵從插旗山

右手抄擊臣德楞泰鼓勵將士奮勇搶撲賊匪

抵死拒敵我兵鎗箭並發擊斃二百餘人賊衆
稍退我兵乘勢進攻砍開寨柵一湧而入又斃
賊三百餘人時臣惠齡恒瑞督兵從賊寨之右

分投截剿當將餘匪殲戮淨盡與德楞泰會合
卽將插旗山奪佔隨剿隨進逼入古戰坪我兵
潛力掩殺又斃賊匪五百餘人乘勝直抵鳳凰
寺山下該處山勢險峻賊匪業已築就木城爲

貧嶋之計是時天已昏黑兼值大雨隨督策弁
兵分投撲上賊匪擲石放鎗抗拒甚力

臣

德楞

泰同阿穆勒塔分帶官兵繞赴賊寨之後攀援
直上阿穆勒塔首先砍破木城官兵從後擁入

拋擲火彈立將草棚焚燒賊匪慌亂火光中見
有帶翎賊目一人執旗奔竄當被都司李東山
殺死我兵乘勝掩擊殲賊一千餘人遂將鳳凰

寺賊巢攻克生擒張貴等二百餘名該匪等紛
紛潰敗仍向箕山一路奔逸適遇官軍成帶三迎
擊又斃賊一百餘人生擒樊人仲等二十餘人
賊匪捨命分竄該將軍帶兵追往當捉張貴等
嚴訊據供徐添德樊人傑王登廷等三人逃至
鳳凰寺見山險可以拒守當有冉文偉龍紹周
龔建唐大信等各派匪黨共二千餘人幫同各

處守卡徐添德說築就木城再約冉文儔來此
屯紮不料官兵就到連破寨子徐添德樊人傑
先已逃去王登廷已被官兵殺死等語又據樊
人仲供係樊人傑之弟前日見高均德與樊人
傑商量要逃往巴州通江一帶樊人傑不允聞
得還走箕山同龍紹周等一處住紮餘無要供
當將該犯概行正法現在徐添德樊人傑竄赴

箕山見各股賊匪均歸一處正當聚而殲除但賊股較衆道路紛歧易於分竄官兵四面兜圍不敷分布查各該州縣均有團練鄉勇如調赴各隘口嚴密堵截官兵從正路進攻自更易於集事現飭各該州縣督率鄉勇隨同官兵分投拿卡以遏賊匪奔竄之路並札知富成帶兵前赴天池寺一帶由西北進剿總兵觀祥帶兵前

赴固州寨由東北進剿

臣

惠齡恒瑞帶兵前赴

黃木寺由西南進剿

臣

德楞泰帶兵前赴小朋

寺由東南進剿如各州縣鄉勇未經齊集之前

賊匪尙有奔竄卽行帶兵截剿再據蒼溪縣知

縣張宏軒稟稱高均德一股賊匪於初九日竄

入縣屬之高坡場梨家場屯紮又有張漢潮分

起賊匪李槐李潮詹世魯亦於初九日竄入該

縣之彭店垵一帶與高均德會合等語臣等查

高均德一股屢據獲賊供稱現在箕山一帶而

李槐詹世爵經明亮等於七月內在通江之青

池子山口俱行殲斃何以復有竄入蒼溪之說

且查張漢潮現經明亮等剿辦而臣等連日獲

犯亦稱尙有張漢潮賊衆在此總緣賊股既多

各該縣不加細訪或賊匪狡詐妄託賊首名目

為牽綴官兵之計德楞泰一聞此信恐該匪竄入陝境卽擬帶兵飛馳往剿臣惠齡酌量情形

現在冉文雋徐添德阮正通龍紹周龔建唐大信王正潮等各股賊匪逼歸一處正當喫緊之時如德楞泰分兵前去益覺兵單似應仍留德楞泰在此一同剿辦至明亮等現將張漢潮股匪逼入南江一帶乘勢追擊設高均德果與會

合正可一併剿捕則北面亦可無虞此一面知

會明亮額勒登保就近帶兵剿捕並飛飭原派
之總兵德齡川北道李鉉一體截剿並飛咨秦
承恩王文雄於寧羌廣元交界扼要堵截均奏

入

上命軍機大臣傳諭勒保宜綿惠齡恒瑞明亮景安
秦承恩曰明亮等奏追剿張漢潮一股賊匪情形

皆係空言不但賊首未擒卽所追賊匪亦未能痛
加剿殺不過因高均德一股屯聚廣元與額勒登
保分兵追剿敷衍具奏伊等所辦何事明亮興肇
著再傳旨嚴行申飭其打仗陣亡之防禦孫札七
等均著交部加等議卹惠齡等雖將鳳凰寺攻克
殲斃賊目而首逆仍未擒獲玩愒已極惠齡亦著
傳旨嚴行申飭至高均德一股明亮等奏已竄至

廣元而惠齡等又稱接據蒼溪縣稟報已竄入該縣地方所奏互異查明亮等奏摺在惠齡等發摺之後三日自係高均德等已由蒼溪復竄廣元現在額勒登保業經帶兵抄赴寧羌一帶迎擊惠齡等自當酌量分兵自南而北兩面夾擊何得專辦徐添德而置高均德等一股於不問此時惠齡等如已將徐添德剿盡馳赴廣元固所深望若尙在

箕山則伊等三人內卽當酌分一人帶領勁兵速
赴廣元截擊高均德等一股方不致顧此失彼惠
齡等於此等機宜竟不知權其緩急豈一味株守
與賊相持耶陝省寧汧一帶宜綿秦承恩王文雄
等務須督率兵勇嚴密堵截勿令賊匪乘間北渡
漢江其鄖陽竹山及歸巴一帶現有景安高杞等
亦當一體實力堵截

十五日^{乙亥}勒保奏言冷添祿一股賊匪屯乘祖

師觀一帶^臣節次督兵攻剿因山勢險峻未能

卽行掃蕩兼自十九日以後積陰成雨晝夜淋

漓山路泥濘艱於登陟^臣隨調集各營大小礮

位相度賊卡對面山包安設遠近轟擊凡賊匪

沿坡搭葢茅棚擊燬無數斃賊亦多木城石卡

亦間轟塌該匪等情形惶急又復刨挖壕溝潛

伏守禦直至二十四日晚間雨勢漸止

臣當派

七十五觀成百祥富爾賽艾如文穆克登阿等

各帶兵勇分路環攻

臣

督率叅將薛大烈皂祿

等由亂石窖進發策應並傳諭各路兵勇無論

山僻路逕如有首先撲入賊巢者除論功超擢

外另當給予重賞次日五更各兵勇分投競

直撲木瓜坪鷹嘴岩石壁峯二層岩等處賊卡

諭旨令將生擒首逆王三槐時隨同打仗之鎮將及在事出力之文武員弁義勇人等查明功績具奏

臣自督兵剿賊以來在事文武各員或節次打

仗殺賊或承辦軍務糧餉奮勇出力者洵不乏

人緣未能迅獲渠魁不敢冒昧保奏茲幸仰仗

天威生擒首逆臣謹確加查核除提鎮兩司大員不

敢奏邀

恩旨外謹就道將以下擇其打仗辦事實任出力各員分繕清單恭呈

御覽至義勇一項隨營打仗均能奮勇而各領首內

臣

又擇其明白曉事者每令偵訪賊情查探道

路指認首逆賊目得力之處甚多經臣隨時給

予虛銜頂戴惟人數較衆未便徧請

施恩茲先保列實在著有勞績者數人以示鼓勵至

臣
奉

命督師未能迅速蕝功方深悚惕乃邀格外

殊恩晉封公爵實爲夢想不到而臣弟永保復荷

洪慈釋放感極涕零莫知所措查永保正在年力強

壯若令在家閒散臣心益切不安仰懇

天恩交與臣處帶兵効力臣亦得隨時教導使之勉

圖報効以贖前愆

同日宜綿奏言查張漢潮股匪折回川省南江境內嗣據探報冉文儔等數股賊匪已由巴州南江折回營山儀隴惟高均德一股尙在廣元之旺蒼壩屯紮張高二逆皆襄陽人非如川省匪徒顧戀鄉土者可比張漢潮前在川省卽分徒衆二千餘人令周添期帶領往幫高均德此次復入川境必與高逆合夥引之由寧羗沔縣

一路入陝以避漢江之險惟索費英阿所帶之
兵僅有一千餘名雖經秦承恩派委知府趙洵
前赴八廟河西流河等處團練鄉勇協力堵禦
而邊界延長恐難深恃倘賊匪一入寧河西趨
檄縣兩當卽犯甘肅且阻我協川糧道北入雞
頭關卽入棧道震動西安鳳翔若東入洋縣由
五郎鎮安直趨商雒處處可虞臣聞信後卽飛

飭副將李文蔚將防守蔡壩之兵五百名交索
費英阿統領於寧河一帶緊要隘口添派防堵
並聞額勒登保業經帶兵趕抵南鄭境內臣又

一面飛咨明亮由小壩緊躡賊蹤使張漢湖不
敢折回額勒登保卽由南鄭間道馳赴寧羌爲
迎頭截擊之計又續據探報高均德賊匪由旺
蒼壩移竄野人村復至南江之坪河其地與南

鄭西鄉接壤距寧羌邊界二百餘里賊勢漸趨
而東王文雄現駐南鄭之黃官嶺可以抵禦惟
西鄉尙覺空虛臣卽令鎮臣慶溥帶兵千名趕
赴西鄉之私渡河罐子山一帶遏其東竄之路
如南鄭有警亦可與王文雄協力剿殺現在興
安連界之太平大寧等處尙無賊匪滋擾情形
稍緩柯藩在紫陽一帶足資防守臣亦親帶關

騰之兵八百名前赴石泉洋縣一帶相機策應
至沿江北岸秋雨連綿江水泛漲賊匪必不能
飛渡惟慮入冬之後水涸灘淺可渡之處極多

臣

已派令道府大員督率地方官團聚勇壯於

淺灘處所設卡列戍使賊匪不能蹈淺徑渡

臣

與秦承恩不分畛域鼓勵兵勇視賊勢所趨往
來堵剿均奏入

上命軍機大臣傳諭勒保宜綿惠齡恒瑞富成泰承
恩明亮德楞泰曰冷添祿困守窮山糧食就盡自
當卽日就擒盼望捷音甚切今勒保奏到情形僅
係攻撲賊卡殲斃抄襲官兵後路賊匪二百餘名
又因霧雨連綿撤兵駐守閱之殊不愜意現在該
督繕發告示密給賊目使其縛獻令添祿雖亦一
法但賊匪愍不畏死奸猾異常豈肯遠行獻出若

似此籌辦未免又稽時日且見輕於賊矣勒保帶
領如此勝兵乃藉詞山勢險峻未能卽行掃蕩豈
賊匪能陟險據守官兵獨不能陟險進攻耶殊負
恩眷勒保著傳旨嚴行申飭現屆秋深天氣晴爽
該督當乘勝直前擒渠掃穴以便迅速移師川北
不可再有遲延其陣亡之副護軍叅領岱德著咨
部加等議卹再林亮功王光祖股匪又分竄長壽

隣水等處富森布在彼剿辦多時未能擒獲任令
分路竄逸無能之極此時劉君輔自己前抵該處
該員亦係棄瑕錄用之人務當倍加奮勉與富森
布速將林亮功王光祖等擒獲若再令蔓延他竄
必將伊等從重治罪又據奏請將伊弟永保發往
軍營効力一節永保前在湖北軍營獲罪甚重拿
解來京不卽按律治罪僅禁囹圄已屬寬典昨因

勒保擒獲王三槐又復推恩釋放勒保係該處總
統軍務之人若將伊弟發往帶兵勒保自必意存
偏向無論其在何路盡力與否必爲之設法邀恩
何以服衆此奏斷不可行至軍營出力人員已分
別加恩矣此時高均德一股在廣元屯聚而張漢
潮一股不能渡江北竄必思與高均德合夥由寧
沔一路入陝以避漢江之險宜綿所奏尙是但張

漢潮一股經官兵剿殺所存無幾乃明亮等任其
往來奔竄迄未成擒而惠齡等帶領如許勁兵在
川北剿辦日久不但不能擒一首逆復任高均德
一股折竄廣元無能已極惠齡恒瑞富成德楞泰
明亮與肇俱著傳旨嚴行申飭現在宜綿已飛咨
明亮由小壩緊躡賊蹤使張漢潮不敢折回額勒
登保由南鄭馳赴寧羌一帶倘張漢潮已與高均

德合駁正可爲兩面夾擊之計並著宜綿秦承恩
王文雄索費英阿等分投堵截勿使賊匪一名闖
入陝境爲要

上諭內閣曰勒保奏查明生擒首逆王三槐時隨同
打仗之鎮將及在事出力之文武員弁義勇人等
開單進呈道員承勳石作瑞著賞給按察使銜知
府姚令儀鄭人慶著賞給道銜候補知府吳桂著

俟服闋後遇有相當之缺補用同知洪範曹六典

應先烈候補知州許雲霄俱著賞戴花翎降調通

判盛露著准其開復留於四川補用知州趙來震

知縣呂朝恩著賞戴藍翎叅將薛大烈著賞給健

勇巴圖魯名號二等侍衛花品著授爲頭等侍衛

藍翎侍衛慶昌著授爲三等侍衛革職二等侍衛

祥金保著授爲三等侍衛副將富森叅將皂祿倭

星額唐朝臣遊擊花良阿俱著賞戴花翎都司陳
騰龍盧呈瑞守備馬隆俱著賞換花翎防禦特松
阿守備袁章田願章千總胥耀宗把總楊杰俱著
賞戴藍翎義民首貢生劉星渠著賞給五品頂戴
並賞戴花翎以通判選用餘著照所請行

欽定剿平三省邪匪方略正編卷八十 戊午年

九月二十一日

辛巳

上命軍機大臣傳諭勒保曰勒保係總統大臣所帶官兵較他路尤爲壯盛自王三槐就擒後聲勢百倍正可鼓其銳氣迅速成功且所剩冷添祿一股賊匪困守窮山更非若奔竄無定者可比乃勒保遷延日久仍未將此股撲滅豈竟不以剿賊爲事

耶著再傳旨嚴行申飭現在秋高氣爽甚利行兵
勒保務當鼓勵將士卽將祖師觀攻克擒拿冷添
祿以便卽日移師川北卽或一時不能竣事亦當
酌留鎮將圍攻親率勝兵先赴川北寧有株守一
處爲冷添祿牽掣之理著卽迅速覆奏

二十三日

癸未

惠齡恒瑞德楞額奏言

臣

等合兵

剿賊三月有餘未能擒獲首逆萬分愧懼緣賊

股較衆當將箕山賊匪設計誘殺詎陝匪各股
聞風奔竄官兵由土門鋪壁山廟分路兜圍四
晝夜盡力趕殺殲戮至四千餘人賊勢甚爲窮
蹙始得折回箕山首逆仍未成擒昨又將徐添
德樊人傑等屯紮之鳳凰寺賊巢攻破逼歸一
處正擬設法圍剿而前調各該州縣鄉勇因兼
旬陰雨道路泥濘尙未到齊臣等心急如焚探

報箕山西北攔路堽十二灣並南面白巖寨路

市橋一帶俱有賊匪屯踞臣等當卽知會將軍

富成並派總兵觀祥前往堵剿業將攔路堽十

二灣兩路賊匪殲斃四五百名餘衆竄回箕山

一帶臣等復將白巖寨路市橋等處賊卡連次

攻克殺賊一千餘名殲戮殆盡臣等俱係受

恩深重之人不能迅速擒渠頓勞

宸厯憤愧交深現俟各處團勇齊集當卽派撥各隘
口隨同官兵分投拿卡四面合圍臣等帶領官
兵從正路進攻奮力剿辦倘能仰賴

天威於九月內擒獲首逆一二人隨卽次第剿辦可

冀迅速蒞事至臣等每遇打仗俱係親臨行陣

從未僅派鎮將稍自偷安緣行陣必須督率指
揮各兵方肯用命而臣等亦可察將卒之出力

與否以示勸懲此亦臣等職分當然並不敢稍
有支飾

同日德楞泰奏言臣仰蒙

天恩畀以軍旅重寄在楚在川已歷四載此次賊匪
奔竄無定官兵追剿日須移營夫驟各項又不
能不酌量領用惟是所帶官兵七千有餘鹽糧
各項均係照例支領且係該省派令地方官隨

營辦理各營分自具印鈐各領該糧員按領核
給今自秦入川川省先派漢州知州覃光典赴
營管理糧務一切應支悉屬該糧員自行經理
今覃光典以_臣營中每月約需銀九萬餘兩具
稟英善等咨詢查_臣一路領隊副都統巴圖魯
侍衛及滿洲吉林索倫官兵應得分例較之綠
營官兵爲數較優通計滿漢屯土官兵共七千

餘名按照奏定條款每月鹽糧及夫騾各價須
銀五萬四千餘兩計臣帶領官兵於五月二十
一日追賊入川截至八月二十日鹽糧各項實
應支銀十六萬二千餘兩除支過銀十四萬餘
兩外尙未領銀二萬餘兩營員並無浮濫之項
有款可查何敢捏飾合將支用銀數清單恭呈

同日宜綿秦承恩奏言賊匪張漢潮一股前竄
西鄉境內經各路官兵節次剿殺未得偷渡漢
江截回川省與高均德一股竄聚南江縣境適
額勒登保帶兵馳至南鄭縣之牟家壩臣等恐
該匪由廣元竄入寧羌窺伺北棧或由昭化翻
山北出階隴因札商額勒登保卽由寧羌帶兵
前進探蹤迎剿茲據差弁探報高均德等果由

南江折回廣元縣之通坪漸近棧道大路需兵甚急幸額勒登保兼程趕至已由百丈關一路迎剿可與明亮等合力夾擊並據廣元縣知縣劉清稟報相同臣等現惟督同王文雄柯藩慶溥等分布兵勇嚴防卡隘杜其闖入之路其張漢潮尾股賊匪張二美等前因官兵衝散潛匿西鄉菜子溝山內老林經守卡州判李晶帶領

鄉勇搜殺三百餘人追至河渡河又經派防該處之守備雙德帶領兵勇遁入山溝兩面兜圍剿戮盡淨守備雙德外委安正剛鄉勇首領王國英程師均生員劉潮輝因奮力攬殺各受重傷陣亡均奏入

上命軍機大臣傳諭勒保宜綿惠齡恒瑞富成秦承恩明亮德楞泰福寧日惠齡等於初九日奏到攻

克鳳凰寺賊巢後未據續有奏報方以爲伊等或
俟首逆就縛一併馳奏及閱本日奏摺祇係覆奏
節次飭諭空言搪塞並未設法進攻箕山一帶屯
聚賊匪復稱前調鄉勇因兼旬陰雨尙未到齊豈
兵勇雨淋而賊匪獨不被淋乎實屬藉詞支飾
齡恒瑞富成德楞泰著再傳旨嚴行申飭惠齡等
自定限期冀於九月內擒獲首逆二二人次第剿

辦今九月止有七日惠齡等果能上緊剿辦於限

內將各首逆全行拿獲不但免其治罪且可仍邀

獎賞否則或如伊等所奏拿獲一二人亦可將功

抵罪倘仍前延緩自逾限期又成虛望則是罪上

加罪斷不能再邀曲貸也又軍營支用錢糧各有

一定分例豈容絲毫浮冒今德楞泰奏稱每月支

銀五萬四千餘兩而糧員稟報月需九萬餘兩多

寡懸殊著福寧據實查核毋任藉詞浮冒至宜綿
等奏籌堵川界竄匪情形張漢潮一股明亮等不
能早爲殲盡轉任其竄往南江與高均德合夥且
旬餘以來亦未見伊等奏報現在高均德等由南
江折回廣元額勒登保已從百丈關一路迎剿正
可合力夾擊務當趁此機會肅清一路所有搜剿
西鄉餘匪打仗陣亡之守備雙德等着各部加等

議卹但摺內旣稱將西鄉潛匿賊匪追至司渡河
經雙德等帶領兵勇入山殲戮淨盡是官兵大得
勝仗賊匪殲盡無遺則守備雙德等又爲何賊所
戕殊不可解宜綿等並未親臨目睹祇據稟報虛
詞入告竟不知其自相矛盾卽云兵勇等奮力攬
殺間有受傷陣亡者亦斷無如許之多顯係掩敗
爲功飾詞具奏將誰欺乎現在州判李晶及撤回

官兵內有無在該處帶兵目擊情形者著宜綿等
切實詢問據實登答毋得稍有含混

二十七日丁亥勒保奏言冷添祿一股賊匪負嵎

屯聚守禦甚堅官兵自前次攻撲木瓜坪鷹嘴
巖等處賊卡後仍值霧雨連綿艱於登涉當經

臣

將江口一面營卡暫行酌撤另於晉堡四季

坪一帶伏兵以待惟冀誘賊竄逃相機截擊詎

該匪等窮蹙之餘屢遣黨六潛出探聽並不
傾巢而下先後拿獲探信賊匪丁遠安等二十
餘名訊據供稱冷添祿原想從鹽渠江口等處
奪路奔竄近見江口官兵營卡間有抽撤正可
乘間逃生惟緣江口一路有河阻隔連日陰雨
適值河水漲發之時不能躡渡恐官兵追剿必
致前後受敵是以不敢逃竄再臣前次繕發告

示密給賊目符曰明劉朝選等諭以縛獻冷添
祿藉爲離間之計茲訊據丁遠安等僉稱祖師
觀周圍卡隘均係冷添祿派人守禦防範甚嚴
凡有私白脫逃者一經查獲卽被殺害恐劉朝
選等一時難以下手各等語_上查該匪旣仗地
勢險峻率衆固守計誘未成自應設法攻剿無
如連旬雨水過多仰攻實形費力惟初二初五

初九等日雨勢畧小

臣

卽整頓兵力督率七十

五觀成百祥富爾賽德英額等各帶兵勇分路

進發並安設大小礮位周圍轟擊賊匪一見扳

援驟上均各潛伏濠溝向外擲石抵禦

臣

每令

各兵撲近賊濠先行拋擲火彈俟賊匪驚避躍

出復令鎗箭並發賊匪措手不及殲斃極多惟

積雨之後山坡渾滑其將近賊卡地方坡坎更

陡總未能躡險竟上焦灼萬分連次冒雨仰攻
惟恐兵勇稍存畏怯是以臣與帶兵提鎮大員

無不親加督率現仍鼓勵將士一俟天氣稍晴

卽行設法攻擊至此次打仗七十五於帶兵撲

卡之次右腿得受鎗傷子尙未出不能動履是

以囑令暫赴夔州趕緊醫治再查林亮功王光

祖等股賊匪竄擾江北隣水所屬臣因富森布

一路兵力稍單復派劉君輔帶兵馳往會剿並
飛飭各該地方文武實力堵禦嗣據各路稟報
該匪等闖入江北卽屯踞張關山並分股由桶
井一路奔竄冀圖窺伺重慶經該府趙秉淵遊
擊李發先調集兵勇與署同知李在文併力迎
擊斃賊二百餘人陣亡把總田應龍一員餘匪
仍退回張關山適富森布帶兵趕到賊匪率衆

抵敵我兵奮力攻擊斃賊三百餘人千總李占
魁外委廖懷英均因殺賊陣亡匪衆卽由合州
隣水一帶狂奔其勢必由岳池廣安大竹一帶
熟路肆竄是以臣嚴飭富森布緊躡賊蹤追剿
前進並令劉君輔卽從大竹隣水一路進發以
爲兩面夾擊之計至無經其清冉文儔徐添德等
股賊匪現仍分屯營寨等縣地方惠齡恒瑞德

楞泰富成等督兵節次攻剿斬獲甚多張漢潮
一股竄至陝境經明亮秦承恩等督兵兜截復
又折回川省南江邊界其竄擾廣元賊匪先據
地方官稟報係張漢潮等股餘黨並有報稱高
均德亦在其內者現准額勒登保知會已從寧
羌一路來川截剿自可無虞闌入陝境

同日額勒登保奏言臣前在南鄭地方接准秦

承恩札稱高均德等在廣元之旺蒼壩等處焚

掠逼近寧羌臣恐賊匪又復闖入陝境卽帶兵

二千餘名覓道由寧羌一路徑趨廣元迎剿一

入廣元境內偵得賊匪聞風折竄已至百丈關

臣星程馳赴賊匪又遁至老土地埡柳溪溝仍

在廣元地界臣查百丈關有溪河一道秋雨兼

旬山水陡發賊匪一時難以徑涉但水勢稍退

灘淺之處即可躡水一經過河又可竄入陝境

署廣元令劉清本有團集鄉勇臣一面飭令於

各要隘盡力防堵並將河邊船隻悉行遠撤防

賊回竄臣卽帶兵由老土地埡一帶進擊我兵

抵柳溪溝時已薄暮賊匪又竄至蒼溪縣邊境

之筒家梁龍感山臣於十三日四鼓發兵從陳

家山吳家河口一帶捷路抄擊且知吳家河口

一路可通百丈關派令副將楊遇春帶兵三百餘名覓路堵禦並派副將汪啟帶兵三百餘名在龍感山溝口杜其回竄柳溪溝之路

臣帶同

綸布春豐紳格布舍劉瑞等率兵甫至吳家河口聞賊匪欲撲龍感山該處有千總何天順帶兵二百餘名及團集鄉勇千餘名在山頂駐守

該千總見賊前撲施放鎗_礮賊匪折回燒香嶺

欲下吳家河口我軍正在迎擊賊匪恃其人衆
竟敢直撲官兵綸布春從嶺左帶領馬隊官兵
馳進疊斃賊匪賊尙不退臣於嶺右督兵趕進

連放礮山礮轟擊賊賊紛紛賊始潰敗臣督率

左右兩路官兵追殺綸布春衝入樹林左肋猝
被賊矛所戳幸馳馬而過受傷不重叅領格布
舍見此賊又復舉矛放鎗擊倒割取首級委署

藍翎防禦興保奮力擊賊受有矛傷二處副將
楊遇春等亦經帶兵上嶺我軍追殺六十餘里
沿嶺殲殺賊匪及墮崖死者約一千餘人餘匪
從俞家嘴白馬廟向亂山密箐中逃竄維時天
色已晚官兵殺賊一日之久行走已一百三十
餘里暫於東溪嶺上駐營將生擒之賊廖文貴
文孝先等四十一名及廣元令劉清帶領鄉勇

搜獲之劉正名陳鳳等三十五名逐加訊問內
有楊知奕等十二名實係附近居民日內被擄
均經釋放外嚴訊廖文貴等據供高均德於八
月間欲由四川勾引賊衆竄回陝西前至土門
坡罐子場地方經官兵追剿衝散高均德未知
已往何處我等衝散時係高均德之族弟高玉
春及頭人馬五帶領一千二三百人在大山藏

匪後來李全亦帶領一千七八百人前來合夥
遂由暹坪平沙旺蒼壩等處盤旋燒掠沿途被
鄉勇打斃百餘人隨處擄掠民人男婦添有六
七百人共有四千餘人馬五李全先逃高玉春
今日帶有數人伏在樹林要害官兵已被騎馬
帶翎的官打死餘無要供當將該犯等交運處
死臣查賊匪李全等俱經官兵屢次剿敗尙敢

糾合賊衆肆行擄掠迄未成擒實堪憤恨

臣乘

勝趕剿賊於高坡子大石坎孫家梁隆山等處
亡命飛奔此一帶山徑叢雜復慮其竄至南江

入陝

臣

隨率兵連追三晝夜沿途斬獲四百餘

名餘匪又奔閩中邊界距陝省之寧羌州已有
二千餘里

臣

昨過寧羌時秦承恩王文雄分派

鎮將帶領兵勇於要隘防堵亦甚嚴密此番賊

匪經臣剿潰自不致再由此路入陝再接據南

江令裘良駿稟稱張漢潮股匪經明亮興肇在

該縣之楊家壩鳴端寺一路剿殺當卽四竄臣

惟有鼓勵官兵無論所遇何股設法趕剿以冀

及早蕝事均奏入

上命軍機大臣傳諭勒保惠齡恒瑞富成明亮德楞

泰日勒保本日奏到之摺仍不過派兵攻剿情形

並未能擒渠掃穴所辦何事勒保一路兵力較多
况冷添祿股匪早經官兵圍逼困守窮山何難直
前進搗乃屢以陰雨爲辭冀掩其遲延之咎現已
將屆冬令豈有陰雨不止之理勒保一味支飾帶
兵株守何時始能移師剿辦他股賊匪前因伊拿
獲王三槐封以公爵乃不知感奮任意遷延日久
未續獲一首逆竟係器小易盈心存滿足豈以朕

能封之而不能黜之耶况有功則賞有過必罰軍
之常紀若始勤終怠自蹈愆尤卽伊祖父傳襲之
爵亦無難褫革何況朕特恩賞給者耶至林亮功
等一股又向合州隣水一帶奔竄富森布惟事尾
追並不能速行撲滅亦屬無能富森布劉君輔均
著傳旨嚴行申飭其打仗陣亡之千總李占魁把
總田應龍外委廖儀英俱着咨部加等議卹又據

額勒登保所奏亦祇係帶兵追殺情形高均德等
雖未闖入陝境但所殺賊匪無多高均德又與李
全等合夥奔竄閩中仍未就獲其明亮等所剿張
漢潮一股亦尙在南江逃竄均未能拿獲賊首實
屬無能明亮額勒登保興肇俱著再傳旨嚴行申
飭

二十九日

巳丑

明亮興肇奏言前因廣元境內賊

匪有北竄之信額勒登保當卽由寧河一帶迎

擊臣等卽緊躡賊蹤前進該匪越嶺翻山亡命

奔逃我軍乘勝直前連日兼程迅發沿途雖日

有斬獲因山險路歧道路溇滑賊匪肆出奔竄

未能痛加殲戮深爲可恨初八初九等日由隣

水寺八角廟等處趕緊兜擊探得該匪於白林

灣一帶散漫屯紮初十日黎明乘雨霧迷濛卽

派總兵長春木騰額叅將楊奎猷遊擊徐大鵬
等帶領步隊由平道梁設伏扼其要路圖桑阿
愛星阿協領泰巴圖總管都當阿等帶領馬隊
由兩河口抄前迎擊口等督率遊擊張雲都司
周國平守備王人傑等領兵從山梁中間直撲
趁賊匪未及驚覺兩路並進鎗礮頓發殲斃甚
多賊人慌亂卽行退走被木騰額長春等伏兵

下壓該匪情急膽敢退而復聚捨命拒戰圖桑
阿愛星阿等率馬隊抄前衝殺馬上鎗箭並發
前後斃賊四百餘人賊見腹背受敵力不能支

翻山亂散

臣

明亮卽令馬步官兵一擁齊上該

匪惶迫異常自相踐踏奔及山口又經愛星阿
等帶領馬隊趕上扼截復斃賊二百餘名生擒
薛日富等三十一名奪獲騾馬三百餘頭匹防

禦關興保驍騎校朱爾杭阿力敵陣亡賊衆四
散奔竄據探報該匪由合桃園前遁查合桃園
去路中隔河溝一道連日溪水漲發該匪懼官
兵兜圍遇水必亡命踴過臣明亮帶馬隊先躍
過河由丁家嘴沿河追擊山溝內突出賊匪一
股約有二千餘人持矛迎撲官兵奮勇截殺斃
賊二百餘名賊匪退逃臣興肇從對面山梁下

歷正值賊匪洶渡一見官兵追擊不敢過河分
投亂竄兩路官兵追殺二十餘里賊衆奪路翻
山向東北遁去生擒七十三名內余大海溫開
朝二名係張漢潮緊要頭目訊據供稱係黃號
執大旗頭人帶領精壯矛子手五百多人每日
護張漢潮行走今日要想過河被官兵兩岸截
殺都已翻山逃去山溝一帶賊匪卽前在南江

地方被官兵殺散之白號二千餘人逃在巴州
通江山內藏躲今趕來合夥近日黃號被官兵
打敗幾仗僅剩二千餘人張漢潮實在害怕因
四川百姓多半搬上山寨糧食難掠無存住之
地還要回陝西去高家營一股不知頭人名字
約計有二千餘人由分水嶺前往廣元餘無要
供當將該犯等一併正法查張漢潮勢已孤單

雖經白號敗殘餘匪會合希圖牽綴官兵其實
窮蹙已極此刻翻山前遁不過暫稽顯戮至高
家營一股爲數無多恐指稱高均德名號亦未
可定現向西竄額勒登保帶兵前往自可迎頭
剿辦臣明亮現在飛咨宜綿秦承恩王文雄嚴
密防堵仍鼓勵各兵星夜遄發乘銳進擊以冀
肅清川陝邊境奏入

上命軍機大臣傳諭勒保明亮興肇曰明亮等追剿
張漢潮賊匪仍未將首逆拿獲僅以空言搪塞殊
屬無味張漢潮一股爲數無多明亮等帶領多兵
何難乘勢截擊乃復任與剿敗餘匪合夥翻山奔
竄明亮興肇著再傳旨嚴行申飭其打仗陣亡之
防禦關興保驍騎校朱爾杭阿俱著咨部加等議

卹